

抱拙小景

天屋歌為盧洪賦

汴人趙

希榕

誼父

霞扃雲牖高隆穹八荒四野垂簾櫳羲璘勃宰行西  
東范、塵世如飛蓬玉川公子乘清風飄然據作吟  
詩宮穿心出脅千萬語叫開閭闔驚蒼龍銀河瀉入  
北斗柄醉來擲下琉璃鍾仙人王喬作隣伍馮軒共  
笑噓長虹旌陽拔宅想亦在千年萬歲都洪濛君不  
見阿房結綺今何許劫灰一丈漫秋雨

次韵李崔田德真寄遠

長安日下浮雲生故人久作西南行  
漚邊兩載音訊絕鬢絲應與秋風爭  
蒼苔冉、荒茅屋愁來恐把離騷讀  
驚鴻到自墮邊聲碧嶂那堪遮遠目  
青雲高處期翱翔去人歲月今堂、  
吳鉤拂拭霜雪冷龍光飛躍秋天長  
思君一夜離心折東樓又送無情月

道民金氏居

碧港雖通邑紅塵不到門  
桑麻唐杜曲鷄犬晉桃源  
山遠雲千點天寬月一軒  
居人非隱者吾欲叫東園

竹閣

古寺日人重清風尚可尋  
斜陽明晚閣老竹暗秋林  
塊率西歸久香山北望  
溪登臨成感慨烟月獨知心

游臨平乾洞水洄洞

兩洞深如許神龍此莫居  
山空僊去久路峻客來踈  
風雨千崖暗雲烟四壁虛  
自指岩石鮮閑把姓名書

雪

不是春風柳目何絮客衫一雲同  
万里半夜失千山  
征馬寒蹤印飢鳴凍吻絨江心一片白  
知有莫歸帆

送詩僧隆瘦岩

五載京華客山中坐得牢  
禪心天竺石吟思浙江濤  
入派名隨重游方步轉高  
秋風飛錫遠相憶讀離騷

送自牧黃監鎮之官四安

桃花春浪急催上雲溪船湖海稱佳士功名負壯年  
政平民易感詩好客爭傳別後加餐飯回風寄一箋

秋夕

霄虛白露溥木葉下危闌月澹鐘聲曉燈青劍影寒  
人心山莽々世事海漫々何日平胡虜西風望眼寬

中秋

白露溥空萬葉飛生香渾在桂花枝一千里月正圓  
夜九十日秋線半時溘浦風流元亮興廊州牢落少  
陵詩不妨吟盡蟾蜍影此別分明隔歲期

送李崔田東游後還鄉

劍倚梅花宿夢醒東游吟骨帶秋清台山路杳神仙  
跡楚國書來母子情半榻烟霞應有約一筇風雪且  
兼程丁寧及早催行李莫待西湖草色平

江湖偉觀

華屋巋然占上方一尊同此寄相羊江潮翻海莫天  
濶湖水拍隄春草長莽々越山凝紫翠搖々蘓柳間  
青黃歸鴻影裏闌干晚回首中州入渺茫

送譙岩趙日休歸蜀

烟塵渺々暗魚鳧有客翩然赴上都乞得玉宸新翰

墨要還琳宇舊規模十年蜀賦綸恩重萬里歸程劍  
影孤他日青城公案了紫雲溪處勘陰符

春雪

飛下瑤天整復斜一番餘凍損芳華荒：月曉三千  
界漠：烟寒十万家柳外直疑先著絮梅邊渾似後  
開花東風吹作已江水浩蕩龍濤赴海涯

秋懷次韻

雨歇空階淨綠苔西風涼氣滿樓臺鴻飛遠渚知初  
遠燕別明年約早來秋色祇今同世態時文何意悞  
人才停雲影裏頻搔首閑把新吟取次裁

春莫

薄：寒侵酒面和可憐春事委流波雨侵楊柳東風  
老一曲池塘夜雨多花落鸞聲還在否棗空蚕事又  
如何壯心不逐流年去倚劍青天發浩歌

寄黃溪雲

十年成遠別幾度上高樓風遞江南信雲消渭北愁  
春心驚海燕曉夢入溪鷗何日西牕燭相看說舊游

九日懷友

江蟹初肥天欲霜莫雲紅樹寫秋光西風携手登臨  
地今日黃花兩處香

釣者

河豚荻笋春風老鱸膾葍絲秋水寒多少侯門天樣闊笑來何似釣船寬

過臨平

市井蕭條景物非居人猶跡永和隄春山十里斜陽樹漠漠殘紅杜宇啼

吳道士釣雲

澹溪溪上一竿絲牽動閑雲片飛折盡柳條穿不得荷衣裹向碧山歸

次雪林李龔茗溪寄來之韻

雲散烟收渺渺秋蛩聲四壁起新愁西風万里乾坤眼不到斜陽十二樓

風梧聲裏万家秋一片吟心不著愁夜半酒醒銀燭冷月移涼夢過西樓

賦墨雁圖分得宿雁

漠漠秋汀起晚烟半欹寒影立風前月明應有芦花夢飛遍江湖万里天

次蕭冰崖梅花韻

冰姿瓊骨淨無瑕竹外溪邊處士家若使牡丹開得早有誰風雪看梅花

湧月僧樓

百尺闌干古檝林  
亂山如浪翠痕深  
冰輪飛上光猶  
濕照破西來一片心

秋夕

西風梳髮冷颼颼  
半醉微吟獨倚樓  
一片舊時南浦  
月清光猶印別離愁  
半枕小牕幽夢蝶  
數聲何處寄書鴻  
閑山千里人歸  
晚腸斷烟林一笛風

春游

夢冷繁華金谷園  
春深葵麥暗朱門  
東風日日吹花  
急紅雨蒼苔泪幾痕  
蝶懶鶯暗欲暮春  
更兼風雨別愁新  
天涯草色深如此  
憶得淮南有故人

湖中曲

長眉柳葉交青條  
玉花嬌面垂雲髻  
湖波藍色春寥  
寥大隄新曲千銀霄  
翠絲絡馬金裊腰  
香風隨步烟  
飛飄芳亭深杳傳金  
船一笑嫣然輕百綃  
驩娛未了日晷短  
城鼓叩々續復斷  
鳴鞭夜月入鷄關  
碧山皎皎水潺々

春陰曲

東風吹寒雲，九有凍龍迷。海亂飛走雨，脚斜拖入遙。  
卓碧草浮烟，滿隄口春皇妙運造化手，解使江山失  
妍醜。冷色禁持，万花柳紅紫未張春國壽愁春織心  
心恟恟，為花訴冤天聽否晴曦赫々重陰節夢裏桃  
源拚載酒

